


Wiener Stadt-Bibliothek.

13972 A



(27)

Aller Underthänigste Supplication/ Etlichen

Nieder Oesterreich-
ischen LandStänd An
die Kayserliche Mayestät.

Sarauff das grausamb Unmensche-
lich/ vnd Barbarisch Tyrannisiren desß
Kayserlichen Kriegs Volcks/ sonderlich der
Eosaggen vnd Wallonen wider
dieselbe Land/ zu sehen ist.



Gedruckt im Jahr 1620.

THE UNIVERSITY OF CHICAGO
LIBRARY
1890

THE UNIVERSITY OF CHICAGO
LIBRARY
1890



THE UNIVERSITY OF CHICAGO
LIBRARY
1890



Allergnädigster Herz/

Als vnaußhörlich vund fortbrechende
Landsverderben/ jammer/ elend/ angst
vnd noht/ so von denen heren geführt
vnglückseligen Cosaggen/ vnd andern
E. May. Volck/ mit Rauben/ Morden/ Plün-
dern/ Bremen/ Niderhasen/ vnd andern Bar-
barischen Greuelihaten verübt worden/ verur-
sacht vns/ im Namen vnserer Herren Principalen/
vnd desß ganken Lands/ vnser zuflucht abermahls
nach Gott/ einig vnd alleyn zu E. May. zunehmen/
deroselben vnser vorige eingereichte Lamentationes
(Aldieweil selbige noch im wenigsten remedirt/ vnd
weder auff E. May. noch dero Herrn Generaln
weder lebendige noch schriftliche *Salva Guardia*, eini-
ger gehorsamb erfolgt) zu widerholen/ vund vmb
allergnädigste wendung aller vnderthänigst anzu-
langen. Dann ob zwar E. May. schon zum öff-
tern zu gemüth geführt worden/ wie das Land in
gemein verhergt vnd verderbt/ Herren vnd Land-
leut geplündert/ der Bawersman theils erschla-

gen/ theils von Haus vnd Hoff in die Wälder vnd
Steinriken verjagt/ das Weingärt vnd Feldbarr
darnider liegen/ die Handthierung gesperrt/ die
Nahrung dem armen Mann entzogen/ die Mann-
schafft abnehme/ Tugend/ Zucht/ Erbarkeit/ Po-
llicey/ Recht vnd Gerechtigkeit verhindert/ vnd vn-
zählich viel Sünd/ Schand vnd Laster/ von den
Soldaten begangen werden: E. May. auch die
gnädigste vertroöstung gethan/ das sie solches ernst-
lich abstellen wollen/ Darzu dar auff Herrn Ge-
neraln Feld Obersten Leutenant gemessene Befelch
zukommen lassen: So müssen wir doch nothdru-
mentlich/ E. May. aller vnderthänigst vnd flehn-
lich klagen/ das solche Insolentzen nicht allein kein
end vnd auffhören haben sondern von Tag zu Tag
je länger je mehr wachsen vnd zunehmen: Ja solche
Barbarische/ Vnchristliche vnd Vnmenschliche
Grewel begangen werden/ das wir vns darob ent-
setzen/ wann wir nur daran gedencen/ Auch fast
ein Abscheuen haben/ E. May. selbigen namhaftig
zumachen. Weil aber die Vndisciplinirte Solda-
ten/ sonderlich die Cosaggen/ dergleichen vnerhörte
schreckliche vnd abscheuliche Thaten zu verüben/
kein entsetzen gehabt/ noch einig schew getragen:
Vnd wir benebens vernehmen/ das es von andern
E. May. außgeredt werden wölle: Wir auch/
weil

weil wir dessen mehr dann zu gewissen grund/wann
wirs verhalten/ in vnserm Gewissen vor G^ott in
ewigkeit nicht verantworten könten: Zumaln die
Ständ/ vnd wir/ die respectu vnserer Vnterthanen
Officium Magistratus sustiniren, vnd der armen noht:
leidenden elend vns nit wenig schmerken vnd höch:
lich betrüben thut/ vnd ihnen/ als ihr Oberkeiten/
vnd gleichsam als ihre Vätter/ inmassen einer jeden
Oberkeit obliget/ herzlich gern geholffen sehen: So
werden E. May. verhoffentlich vns allergnädigst
nicht verargen/ oder in Kayserl: vngnaden vermer:
cken/wann wirs etlicher massen/ allein zu dem ende
erzehlen/ damit E. May. als ein Christlicher Po:
tentat/ vnd ein Sanftmütiger Herr des Hausses
Oesterreichs/ desto mehr auff schleunigste Remedir:
vnd abstellung dieses grossen Vnheils bedacht sein
möchten.

Wie vnd den Wallonen/ vnd andern Frembden
ins Land gebrachten Volck/ das rauben vnd plün:
dern/ sengen vnd brennen/ morden vnd umbbringen/
gar gemein/ vnd gleichsamb ihr anfang gewesen:
Also hat kein that so schrecklich/ vnerhört vnd Vn:
menschlich nit sein können/ welche sie/ vnd das an:
dere E. May. Volck/ nicht mit allem mutwillen/
blurdürstiger weiß vollbracht vñ begangen hetten.
Dann ganze Flecken/ Dörffer vñ Märck/ darinn

der auch Stockharau/ vngachtet es ein Cammer-
gut ist/ haben sie in brand gesteckt: Der Herren vnd
Landteut (darunder auch wir Gesandte/ vngemin-
dert der Allergnädigsten vertroöstung absonderli-
cher versicherung halben/ nicht verschont worden)
ihre Schlöffer vnd Häusser eingenommen/ verdreht
vnd außgeraubt: Die Proviant nicht allein von
ihren Häusern genommen/ sondern auch den armen
Vnderthanen/ die sie zum arbelten vnd Schancken
genöhtiget/ kein einigen bitten Brods gericht/ daß
sie auch vor Hunger verschmachten müssen: Knab-
ben vnd Weibspersonen/ nach schrecklicher schen-
dung/ hinweg geföhrt: Die Leut/ Jung vnd Alt/
Weib vnd Man/ auff allerley grausame vnerhörte
weiß gemartert: Mit Stricken gerüttelt/ mit Höl-
zern gepreßt: Ihnen das Fleisch mit Zangen vom
Leib gerissen: in die Kienbacken/ Schienbein vnd
Knie scheiben gebort: Sie an Hälssen/ Händen vnd
Füssen/ ja gar an heimlichen gliedern auffgehengt:
Frauen vnd Jungfrauen/ ja gar vnzeitige Kinder/
biß auff den Tod geschendt: Schwangern Weibern
Fener so lang auffgelegt/ biß das man die Frucht
im Leibe sehen können/ vnd Mutter vnd Kind todt
geblieben: Alte vñ Junge/ hohes vñ nider Stands/
Geist- vnd Weltliche Personen/ ohne vnderschied
vergewältigt: vnd viel Tausendt vnschuldige er-
schröcklich

schrecklich ermordet: Theils in ihren Schlössern
(als dem umb E. May. vnd das Haus Oesterreich
wol verdienten Alten Herren Großweim begegnet/
der gehalten vnd fürgeordneten Salva Guardia vnge-
hindert/ weil er sich zur Lutherischen Religion be-
fant) jämmerlich vmbgebracht: Theils mit ihren
Adelichen Frauen vnd Kindern biß in das Heimb
aufgezogen: die Leut/ so in die Arwen geflohen/ mit
sicher sein lassen/ sondern zu ihnen hinüber gefahrē/
vnd sie ganz erbärmlicher weiß niedergehawet/
theils Obriste ihren Knechten selbs Paßzeddel ge-
geben/ vnd was also vnerhörte/ Vnmenschliche in-
solentzen/ greuel vnd vnthaten mehr seind/ die wir
lieber/ E. Mayest. gehorsambst zuverschonen/ ge-
schweigen/ so viel wir gewissens halber thun kön-
nen/ vnd sich gegen Gott verantworten läßt/ als
weitleufftiger deduciren wollen.

Weil dann wir wissen/ das E. May. an diesen
erschreckliche Excessen einig gefallen/ vil mehr aber/
dero bek andtem Christlichen gemüth nach/ ein son-
ders Mißfallen darab haben. Vnd zu besorgen/
da sich E. May. auff die vbergebene gehorsambste
Schriften vnd gutachten/ gnedigst nicht/ oder doch
was langsambs resolviren/ es werden selbige kein
end nehmen/ das ganze Land vollend gar in die
Aschen gelegt/ vnd Herren vnd Vnderthanen ins
eufferste

eusserste Elend/ zu E. May. selbs eignem/ vnd desß
ganzen hochlöbliche Hausß Oesterreichs Präjudicio,
vnd vnwiderbringlichen schaden/ gesetzt werden:
So bitten E. May. wir nachmals/ im Namen vn-
serer Herren Principaln/ durch Gottes Barmher-
zigket/ vnd die Bluttriessende Wunden vnserß
Hern Jesu Christi/ hochflehenlich vnd Aller vn-
derthänigst/ Die gerühen sich doch/ dero angebor-
nen/rühmlichen/Oesterreichischen vnd Kayserliche
Mildigkeit nach/dieser Not/ Elend vnd Jammers
dero getrewen Ständ/ Vnderthanen vnd Inwoh-
nern/ allergnädigst zu erbarmen. So werden E.
Mayestät hierdurch/ Ihre vorhabende zum Fried/
Ruhe vnd Wolstand gerichtete Intention/ selbst
befürdern/ ihre allergnädigste Satisfaction/ neben
ewigwehrendem Lob bey aller Posteritet/ erlangen.
Vnd die getrewe Ständ werden es mit schuldiger
Trew vnd Gehorsamb wider zu verdienen beflissen
seyn. Vnd wir thun E. Mayestät zu allergnädig-
ster Erhörung/ vnd Gerechtigkeit/ vns allergehör-
sambst befehlen/ &c.

N. der Getrewen N. D.
Evangelischen Abgeord-
nete Gesandte.

10,032
g

